



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 18. lib. Genes. in quo describitur liberalitas
Abrahami in susceptis Hospitibus & Angelis, ejusque preces pro Sodomitis
susæ.

[urn:nbn:de:hbz:466:1-61252](#)

tot peccata à se per vitam commissa? tot occasiones pœnitendi neglectedas? tot gratias spretas? ubi audit amicorum lamenta, liberorum planetus? Rex Ezechias vir optimæ vitæ, acceptâ mortis tententiâ, tantâ perturbatione obrutus est, ut nil aliud quām suspiria ex imo pectore trahere, ejulari, & mortem deprecari audiretur, *Isaia* 58. Quæso: quæ veræ pœnitentiæ signa exspectabis ab homine, tot vitiis & peccatis irretito, quando pœnitere eò usque distulit, donec audierit: *Morieris tu, & non vives?* hæc perpendens Christiane Lector, hodie adhuc cum Davide exclama: *Dixi confitebor adversum me injustitiam meam.* Hodie adhuc cum Abrahamo stringe cultrum veræ pœnitentiæ, & quidquid peccati in te vivit, ociùs reseca. Eris in libro vitæ mutatō nomine peccatoris, in nomen dilecti filii ponendus, & futurus per gratiam Dei Pater multarum virtutum & meritorum, dicesque tranquillâ mente moriens: *in pace in idipsum dormiam, & requiescam.*



FASCICULUS V.

Doctrinarum Moralium & Asceticarum.

Doctrina I.

Desumpta ex cap. 18. lib. Genes. in quo describitur liberalitas Abrahami in suscepis Hospitibus & Angelis, ejusque preces pro Sodomitis fusæ.

Considera, & lauda miram Abrahams liberalitatem quam exer- N.29.
cuit erga pauperes, dum illos non tantum motu propriô ad
se venientes perhumaniter excipere consuevit, sed de tali ho-
spitio forsan non cogitantes, & alibi volentes divertere, blandâ vi
suos lares adire coëgit. *Magna res & pretiosa homo misericors*, ait S.
Chrysost. Homil. 36. ad populum Antioch. *Hac major est gratia,*
quam mortuos suscitare; multò namque majus est: *esurientem pascere Christum*,
quam in nomine JEsu mortuos suscitare; nam illuc quidem tu de Christo benè me-
reris, hic autem ipse de te. *Hic in signis ipse Deo debes, in eleemosina verò Deum*
habes debitorem. Hoc compertum habebat S. Thomas de Villa Nova,
&

& hinc amplos Ecclesiae redditus usque adeò in egenos dispersit ; ut ne lectulum quidem sibi relinquoret : nam eum, in quo jacuit, cùm in Cœlum vocaretur, ab eo paupere commodatum accepit, cui paulò ante eundem eleemosinæ loco donaverat. Alexander V. Pontifex maximus eâ excelluit liberalitate in pauperes, ut se posset divitem Episcopum, pauperem Cardinalem, mendicum Pontificem jure meritò nominare. S. Carolus Borromæus arcam suam eleemosinis penè semper exhaustam, imò quot annis ad multa millia obæratam vidit, non timens, novas facere impensas in gratiam pauperum, quin etiam, cùm Oriensem Principatum quadraginta millibus aureorum vendidisset, intra viginti quinque dies omnes has pecunias in eendo & pia opera distribuit. Taceo Elisabethæ Hungariae liberalitatem, quæ in eleemosinis dandis nullos habebat terminos neque metram ; unde Mater Pauperum passim ab omnibus audiit. Nihil refero de liberalitate S. Francisci assisiatis, qui nunquam pauperi propter Deum aliquid poscenti, se negaturum jurejurando spoondit. Nihil dico de liberalitate S. Paulæ Romanæ, propter quam ad extremam usque paupertatem & ipsa redacta est. Cerne econtra ò Christiane ! & detestare parsimoniam tuam, quæ tam fortiter tibi aures obstruit, ut tot egenorum ante fores tuas clamantium voces & lacrymas non exaudias, & obolum unum pluriès volvas in manu, quam in pauperum manus evolvas. An nescis : eleemosinam similem esse semi-ni sparsa in solum, quod agricola multiplici fœnore iterum recipit ? an nescis : illam similem esse pilæ, quæ projecta in terram ad manum, de quâ exierat, resilit. An nescis : homines per eleemosinam reddi ipsi Deo similes testante id S. Gregoriō Nazianz. Orat. de cura pauperum, ubi inquit : *Fias infortunato Deus, misericordiam Dei imitando.* An ignoras : misericordiam erga pauperes signum esse æternæ prædestinationis ; nam Ecclesiastici effatum est c. 17. *Eleemosina viri quasi signaculum cum ipso Antichristus signabit servos charactere bestiæ Apocal. 13.* Sed in manu nonnisi contracta, arida, stérili & avarâ, de qua Matthæi 25. ait Christus : *Esurivi, & non dedistis mihi manducare &c.* An demum ignoras : per eleemosinam homini temporalem gloriam & fortunam parari ? hoc enim probant Sapientis verba Proverb. 3. *Misericordia & veritas te non deserant : circumda eas gutturi tuo, & invenies gratiam coram Deo & hominibus.* Quid ergo Christiane dives insensate facis ? quid cogitas ? cur tam utili mercimonio non attendis ? per tuas pecunias

cunias forsan erigere cupis sumptuosas domus ? eleemosina tibi præparat æterna tabernacula, si largiter eam dederis. Per aurum tuum quæris lauta convivia, opiparas mensas ? eleemosinâ ductrice Angelici convivii hospes eris. Appetis raras & pretiosas vestes ? planè splendidius vestimentum comparari nequit illô palliô, quod aperit multitudinem peccatorum, eleemosina vocatum. Arrident tibi arcuæ, thesauris repletæ ? Deo tuas divitias ad usuram impertire : dabit is thesaurum tibi, in quo sunt omnes thesauri divitarum teste Apostolô, benedictum videlicet filium suum. Quare ex ore Augustini sic alloquitur te Deus : *Sed avarus es ? me conveni : ego filium divitem, pauperem propter te feci. Aurum queris ? ille fecit. Familiam queris ? ille fecit. Possessio-nes queris ? ille fecit. Argentum queris ? ille fecit. Quid queris tantum, quæ fe-
cit ? ipsum accipe, qui fecit. Fæneratur Domino, qui miseretur pauperis.*

Considera porrò : Quanta sit Misericordia Dei : dum tanto numero impiorum inter impurissimos Sodomitas invento, propter decem tantummodo Justos, si reperti fuissent, pepercisset. Parcet haud dubiè etiam tibi peccator propter paucula, si feceris misericordiæ erga pauperes opera. Et licet in peccatis tuis obsnueris : tamen non diffide cum *Sara* ; fore, ut verum pœnitentiæ partum enitaris, dummodo oblatæ gratiæ velis serio cooperari.

Doctrina 2.

Desumpta ex cap. 19. lib. Genes. in quo describitur humanitas Loth angelis exhibita, à quibus incendio Sodoma subducitur, sed in ebrietate cum pro- priis filiabus coit.

Considera 1. **Q**uām sollicitus sit Deus pro illorum salute, qui ob N.30. necessariam vivendi consuetudinem malis coniuncti vivere debent ; ei tamen, quā possunt industriâ, servire student ; Loth enim inter pessimos Sodomitas, quibus convixerat, optimus, Angelos tutelares hîc à Deo recipit, eum ruinæ totius urbis subducentes. Non aliter quilibet servorum Dei : licet non tantum à per- versis cingatur sociis, sed ab ipsis Dæmonum larvis, ruinam haud dubiè evadet. Theophila Virgo in persecutione Diocletiani & Ma- ximiniani ad turpe prostibulum tracta ; cum calidis preciibus Deum castitatis suæ custodem invocasset, angelum Domini lateri suo ad-

E

stan-